





97.34733  
2741  
:9





Centimetres  
**TIFEFEN** Color Control Patches  
The Tifefen Company 2007

河

南

志



河	南
三	卷


漢晉洛陽宮城圖四紙

道光二十年

揚州阮氏摹刻

余於嘉慶十五六年間在京師文穎館總閱全唐文時永樂大典多移在館有館中供事鈔得東漢東都城圖一紙西晉洛陽京城圖一紙後魏洛陽宮城圖一紙金墉城圖一紙余閱而喜之亦不能究其從何處鈔出遂令照鈔數紙知此圖非後人所能造必唐以前人舊書中之遺蹟也有此圖則讀漢晉魏書者皆瞭然於南北前後城宮殿觀不必推測矣恐日久圖失刻之於板以貽讀書人尋繹而自得之隋文選樓主人識

後漢東都城圖




新周并圖四

前漢州一平



洛陽宮室圖  
西晉京城



洛陽東階殿圖




五高里

龍市

門西


洛陽宮室圖  
後魏京城



西晉京城  
宮室圖




洛陽宮室圖



洛陽宮室圖

宣武永平二年詔定諸門闢名初命中書舍人沈馨以隸書書  
 板題之景明正始之年又勅符節令江式以大篆易之  
 清陽門亦曰稅門又曰芒門西明門漢之廣陽改西陽門明門孝  
 文帝改舊門在邪出  
 孝文帝徙對東陽門


金墉城 在故洛陽城西北魏築  
 洛陽宮室圖







宋西京雜圖



前明盛時秦著棲霞小志一書同里焦竑所刊者也時  
秦字仲交有文采落拓不偶故自放於山巔水涯馳騁  
筆墨以自淡其無聊不平之思是書尤其選也攝山擅  
名蓋盛於齊梁閒騷人逸士棲遲詠歌及英王鉅公張  
皇好事之所爲者是書亦未嘗悉具然耳目足履之所  
及爬羅剔抉靡幽不臻余嘗至山中信宿其地寺宇興  
廢不盡如仲交所言其題識亦稍晦矣攀蘿捫壁追昔  
人之踐履悵然者久之則是書之存非獨見古迹變遷  
不係乎世之遠近亦以知仲交落落可奇不得自肆其  
意而日與緇流木客徘徊茲山中爲可悲也竑刊是書  
板已亡陽湖孫觀察星衍嘗語余曰此金陵故實也益  
重刊之爰書是以志其歲月云爾嘉慶己卯嘉平月江  
甯夢六居士甘福書於津逮樓

# 元河南志卷

京城門坊街隅古跡

以下自隋通敘至宋

隋曰羅郭城

武后號神都城曰金城唐書曰天寶二年築神都城

西羅城號曰金城


周回五十二里

按韋述記曰東面十五里二百一十步南面十五里

七十步西面十二里一百二十步北面七里二十步

周回六十九里二百十步

隋大業元年築唐長壽二年命李昭德增築唐末兵亂摧圯殆盡周世宗顯德元年命留守武行德葺之然甚



庫陋至宋景祐元年王曾判府事復奏加築於是城雉  
僅完南面三門正南曰定鼎門

南通伊闕北對端門隋曰建國唐武德四年平王世  
充改

東曰長夏門

在定鼎門東五里  
西曰厚載門

在定鼎門西二里隋曰白虎門唐初避廟諱改  
東面三門北曰上東門

西對東城之宣仁門隋曰上春唐初改  
中曰羅門

無榜當是取羅郭之義而名之  
南曰建春門

建春門在府城東南一十里隋曰建陽唐初改按韋  
述記中曰建春南曰永通永通周廣順中猶存疑國  
初廢塞而開羅門

北面二門東曰安喜門

隋曰喜唐初改  
西曰徽安門城內縱橫各十街

按韋述記定鼎門街廣百步上東建春二橫街七十  
五步長夏厚載永通徽安安喜門及當左掖門等街  
各廣六十二步餘小街各廣二十一步今不復舊制

凡一百二十坊  
隋曰里一百三市三唐改曰坊今八十八坊隸河南

縣三十二坊隸洛陽縣按韋述記每坊東西南北各  
廣三百步開十字街四出趨門自唐末五代鞠爲荆

棘後依約舊地列坊云  
坊久無榜皇祐二年張奎知府事命布列之洛陽志云

凡一百二十坊

明教宜人○化安業修文尚善樂和正平修行崇業  
 修業旌善尚賢敦行崇政宣範恭安勸善惠訓道術  
 歸德康俗敦化道化溫柔擇善道德仁和正俗永豐  
 修善思順福善惠和安眾興教宣教陶化嘉善通利  
 樂成安遠慈惠上林游奕集賢尊賢章善賢相永泰  
 臨闕延福富教詢善銅駝崇讓履道履信會節綏福  
 從善睦仁嘉猷里仁永通利仁歸仁懷仁仁風靜仁  
 延慶○甯人寬政○濟風宣風觀德積善從政大同承義  
 明義教義廣利通濟懷義○和南里北里承福立德  
 清化道光道義道政永福思恭歸義履順進德温洛  
 景行北市鄰德敦厚修義時泰時邕立行殖業豐財  
 教業毓材德懋毓德審教積德賜福教善興藝通遠  
 河南府路羅城隋築

自隋至宋通敘

唐天寶二年築神都羅城號曰金城當皇城端門之南  
 渡天津橋至定鼎門南北大街唐曰定鼎街

亦曰天門街又曰天津街今或曰天街按韋述記自

端門至定鼎門七里一百三十七步隋時種櫻桃石

榴榆柳中為御道通泉流渠今雜植槐柳等樹兩行

洛陽志曰褚載定鼎門詩邠邠城高門倚天九重蹤

跡尚依然須知道德無關鎖一閉乾坤一萬年白

傳過天門街詩雪盡終南又欲春遙憐翠色對紅塵

千車萬馬九衢上回首看山無一人張光朝天門

街西觀榮王聘妃詩仙媛來朱邸名王出紫微三周

初展義百兩遂言歸鄭國通梁苑天津接帝畿橋成

烏鵲助蓋轉鳳凰飛霜仗迎秋色星釭滿夜暉從茲

磐石固應為得賢妃

街東凡六坊從南第一曰明教坊

唐有龍興觀宋璟宅崔融宅凡坊內有韋述記所著隋唐舊跡存者大書之改易者附見其下堙滅者注於坊名之下韋述記後唐事及五代後事雖毀廢皆大書之所以續舊志之闕

次北宜人坊

本曰宜民避唐太宗諱改俗作仁者非其半坊隋齊

王暕宅唐為太常寺藥園

西南隅

荷澤寺詳見寺類

次北道化坊

唐有王仁皎宅

次北安業坊

隋有薛道衡宅唐有太僕寺典廩署霍王元軌宅李

大懷遠宅

次北修文坊

隋立國子學於此因曰修文有麥鐵杖宅唐顯慶二

年盡併一坊之地為雍王宅王升儲立為道觀因

改坊名道國初避廟諱復曰修文

次北尚善坊

非至洛水唐有太史監本崇賢館又有宗正寺內僕

局岐王範宅本武三思宅有薛稷畫鶴薛王業宅本

太平公主宅

坊之直北

引龍橋詳橋類天津橋北有就日亭橋南有朝宗亭

並錢惟演建

坊之東

郭從義安審琦宅詳宅類

定鼎門街東第二街

北隔洛水當皇城之左掖門

凡六坊從南第一曰樂和坊

唐有國子學本韓王元嘉宅武攸甯宅齊景冑宅李

適宅李景讓宅

次北正平坊

今或作政平者非是唐有孔子廟國子監開元初祕

書監吳道師撰碑立廟前又有安國女道士觀本太

平公主宅平貞脊宅李迥秀宅路應宅

次北修行坊

唐有奉國寺本張易之宅又豆盧欽望宅李義琰宅

次北崇業坊

唐有福唐觀申王擣宅裴度宅

次北修業坊

洛陽志卷一

唐有景雲女道士觀郎國公主宅本許敬宗宅代國  
公主宅本陸頌宅

次北旌善坊

北至洛水唐有崇化寺帝王憲宅本安樂公主宅

定鼎門街東第三街

唐時北當洛水之中橋又當東城之承福門其橋隋

大業初造名立德橋唐乾封中韋機徙於東街按承

福門今廢

凡八坊從南第一曰尚賢坊

唐有張錫宅父子五人列戟時號萬石張家又武攸

宜宅狄仁傑宅裴談宅崔明脊宅韋湊宅張知謩宅

次北敦行坊

唐有司農寺司竹園本周思茂宅裴淮宅吳兢宅

次北崇政坊

洛陽志卷一

五

唐有府學杜景佺宅王志愔宅李伯潛宅

次北宣範坊

隋唐半坊為河南府廨西北去宮城七里古監洛城  
即古之甘羅城也隋置都因平之莫詳置立所由有  
元行沖宅

次北恭安坊

隋有馮慈明宅唐有太子僕寺褚无量宅賈會宅魏  
奉古宅王怡宅

次北勸善坊

隋有李圓通宅唐有魏徵宅後王方慶居之又有竇  
希瓘宅畢構宅

次北惠訓坊

北至洛水隋有緡經館唐有長甯公主宅岐王山亭  
院

半已西道術坊

隋煬帝多忌惡五行占候卜筮醫藥者皆追集東都  
置此坊遣使檢察不許出入時改諸坊為里以此偏  
居里外既伎藝所聚謂之道術坊唐正觀中并坊地  
以賜魏王泰泰為池彌廣數頃號魏王池泰死復立  
為道術坊分給居人神龍中併入道訓坊盡為長甯  
公主第開元初復舊

定鼎門街東第四街

北隔洛水當北郭之徽安門

即長夏門之西街凡七坊從南第一曰歸德坊

唐有韋承慶宅劉幽求宅劉子玄宅長夏亭門內客  
亭也水南倉太祖常幸其所制度甚雄敞按今倉之  
南有土塚俗傳蔡邕墓疑非是

水南草場次北康俗坊

唐有張說宅陸餘慶宅劉知柔宅

次北敦化坊

本曰基化唐景雲初避明皇名隋有永昌公主宅唐有麟趾女道士觀賈敦頤宅後爲郟王府突厥阿史那斛瑟羅宅源乾曜宅陸象先宅嗣許王瓘宅

次北道化坊

隋有王邵宅趙才宅唐有定安公主宅皇甫無逸宅本隋蕭琮居後爲唐臨宅又有房仁裕宅本隋郡學按道化一作遵化唐中書令崔湜宅悟寂禪院晉開運二年將軍牛氏漢乾祐二年沂州刺史李奉先奏賜名武勝軍節度使兼侍中馮拯園今屬民家

次北溫柔坊

唐有李晦宅太平公主壻豆盧光祚居焉後爲秦國公主宅又有瓊山縣主宅閣門使薛昭簡園號薛氏

奉親園園內流杯石傳自平泉徙致

次北擇善坊

唐有率更寺李勣宅張仁愿宅本隋來護兒宅又有宣城公主宅婁師德宅

次北道德坊

本曰道訓北至洛水隋有秦王浩宅唐永昌中析河南洛陽二縣立永昌縣治此坊之東南隅神龍元年省併一坊爲長甯公主宅及鞠場景龍女道士觀南北居半坊之地金仙公主處焉又有史務滋宅武成王廟後唐樞密使郭崇韜園後沒入官俗名進過園園有十二鬪角亭子製作甚精郭崇韜樞密使安重誨宅唐洛州刺史盧萬石德政碑蘇詵八分書石定鼎街東長夏街西南至城北至洛水坊二十七長夏門街之東第一街



定鼎門街東之第五街也南出長夏門唐時此當洛水之中橋乃韋機所徙者按唐李昭德傳初都城洛水天津之東立德坊西南隅有中橋及利涉橋上元中司農卿韋機始移中橋置於安眾坊之五街當長夏門都人甚以為便因廢利涉橋所省萬計然歲為洛水衝注常勞治葺昭德創意積石為腳銳其前以分水勢自是竟無漂損唐末其橋亦廢

凡八坊從南第一曰仁和坊

按坊本名民和避唐太宗諱改當作人和而韋述記白居易集與今洛城所傳並作仁字未詳唐有許欽明宅韋述云此坊北側數坊去朝市遠居止稀少惟園林滋茂耳唐禮部尚書裴寬宅子孫最眾盛尚書兵部侍郎裴鄰宅並失處所

次北正俗坊

唐有<sup>玄</sup>元觀李從遠宅唐太子太傅分司東都李固言宅失處所漢同中書門下平章事蘇逢吉宅贈侍中李穀宅後鬻於張知白家

次北永豐坊

唐有楊再思宅崔泰之宅吳師道宅

次北修善坊

隋有蔡王智積宅唐有波斯胡寺韋述云坊內多車坊酒肆水南巡檢使廨自韋善坊徙舊有轉運使廨今徙樂成坊

次北思順坊

隋有諸葛穎宅唐有楊纂宅張嘉貞宅嘉貞子延賞延賞子<sup>弘</sup>靖皆為相其居第亭館之麗甲於洛城子孫五代無所加工時號三相張家唐賈敦頤敦實二碑敦頤永徽初為洛州長史其弟敦實後為洛州長

史並有惠政民立二碑號棠棣碑後唐大理卿李保  
殷宅晉戶部尚書致仕鄭韜光宅宋太子少師致仕  
李肅宅肅仕唐歷五代至建隆初卒樞密使同中書  
門下平章事王晦叔宅園在宅南街宅有小書樓起  
居舍人尹洙宅三司副使劉元瑜宅舊有留司御史  
臺表徙樂成坊  
舊有西雙市門  
今廢

次北福善坊福善坡

坡勢隆起而韋述記不著疑張全義保南州時所築  
壘垣其後未嘗平蕩因坊以得名梁刑部尚書致仕  
張策宅策本居敦化坊相梁太祖風恙致仕居此修  
篁嘉木圖書琴酒自適後唐太子少傅致仕李琪宅  
周太子太師致仕白文珂宅自張策至文珂三宅皆

失其處所料量院自水北思恭坊徙工部尚書同中  
書門下平章事張知白宅

次北惠和坊

隋大業四年坊內道東南醴泉涌出水面闊五尺煖  
而甘泉上常有氣如霧疾病者取飲之多效時人謂  
曰神泉至九年枯竭唐有安修仁宅崇信軍節度使  
兼中書令石守信宅今悉摧毀普明院有水磴

次北安眾坊

北至洛水唐有尹思貞宅

長夏門街之東第二街凡九坊

按九坊之內比唐無南市而多安遠一坊又徙上林  
坊以接慈惠

從南第一曰興教坊

漢秦甯軍節度使慕容超宅超即漢祖同母弟入周

賜第於此然未嘗居之在兗州被誅

次北宣教坊

本名<sup>④</sup>教唐神龍初避孝敬皇帝諱改有懷音府溪園五代時官園舊有東西兩溪今故基石柱僅存唐太子少師皇甫鏞宅全真觀後唐天成四年改崇聖宮宋大中祥符中改

次北陶化坊

隋有修行寺史祥宅唐有桓彥範宅蘇頌宅盧從愿宅王光輔宅唐太子賓客高重宅失處所國子監後唐同光三年建文宣王廟於尊賢坊至宋咸平三年重修疑後徙於此舊曰府學景祐元年直集賢院謝絳論奏始正監名寶元中立絳影堂於監留守推官蔡襄為記

次北嘉善坊

隋有元文都宅韋津宅唐有荷澤寺經坊鄭果宅都商稅院舊曰鹽鐵分巡院唐嗣虢王邕宅周中書令馮道宅本後唐尚書禮部侍郎同中書門下平章事韋說宅說貶夷州宅沒官明宗天成三年以賜道晉天福三年復詔以宅賜道為永業次西太子少傅致仕柴守禮宅守禮即世宗父世宗即位拜光祿卿致仕為造大第於洛陽月給優厚恭帝嗣位加太子少保國初加少傅守禮在洛十五年頗縱恣當時將相王溥王晏王彥超韓令坤等父皆在悉居洛中常與守禮游處任意所適無復拘檢而守禮尤暴橫洛中號為十阿父按此宅顯德六年守禮為太子少保致仕方買之疑為別宅其官修大第今失其處至天禧中守禮<sup>⑤</sup>孫元吉復鬻之為陳氏居御史中丞李及宅尚書右丞趙安仁宅太子少傅致仕趙稹宅太子

少師致仕任布宅龍圖閣直學士劉<sup>燧</sup>宅龍圖閣直學士郭稹宅

次北唐之南市

隋曰豐都市東西南北居二坊之地其內一百二十行三千餘肆四壁有四百餘店貨賄山積唐貞觀九年促半坊其下通利坊居半坊今不分布通利直接嘉善疑以次皆徙近南所以容增安遠一坊

今通利坊

即南市通利坊張全義築壘以居今號舊門下金莎嶺或參沙字轉寫妙法尼院漢乾祐二年檢校太師安叔千為女登廣以宅建之

次北樂成坊

即唐南市與通利坊之地舊有榷貨務本唐李勣宅今廢今禮部侍郎吳育宅本駙馬都尉王承衍宅轉

運使解慶<sup>麻</sup>中詔遣京西轉運一員居洛尋以非便復許留司御史臺玉沙灘在坊之北亦曰玉沙磧

次北安遠坊

續增之坊即唐樂成坊之地有李道謙宅魏王符彥卿水磨

次北慈惠坊

唐有姚崇宅按韋述記此坊半已北即洛水之橫隄今乃其北更益士林一坊未詳銀沙灘亦曰銀沙磧

次北上林坊

按此坊自洛水之北徙洛河竹木務自寬政坊徙清洛館景祐中留守張士遜建為客館濟川亭在洛河申渾西偏張士遜建

長夏門街之東第三街

北隔洛水當北郭之安喜門

凡十一坊

按十一坊之內比唐增賢相一坊又徙銅駝以接詢善

從南第一曰遊奕坊

唐曰嘉慶坊內有李樹其實甘鮮號嘉慶李其坊改易歲月未獲

次北集賢坊

唐有楊元琰宅泉獻誠宅唐中書舍人遜宅中書令裴度宅園池尚存今號湖園屬民家太師致仕盧鈞宅失處所太子太師致仕呂蒙正園

次北尊賢坊

唐有楊元琰宅泉獻誠宅崔玄童宅唐東都留守鄭叔明宅宋開府善羯鼓叔明祖母即開府之女尊賢第中有小樓宋夫人習羯鼓之所唐成德軍節度使

兼侍中田弘正宅西陽雜俎云宅中門外有紫牡丹

成樹發花千餘朵今失其處尊賢園官園觀文殿學

士張觀園龍圖閣直學士郭稹園提點刑獄廨慶

中徙鄧州其廨舍常空閑

舊有南雙市門

今廢

次北章善坊

唐太子少傅幽國公竇希臧宅昭成太后之弟賜第

其東賢相坊

晉少帝開運二年改中書令桑維翰本貫河南縣章

善坊為賢相坊按今乃板章善之東會節之西增一

坊焉尚書刑部郎中王濟宅

次北永泰坊

唐貞觀九年析南市置尚書工部侍郎致仕張去華

宅去華致政園中作中隱亭以見志故相張齊賢居會節坊號南張去華號北張皆子孫昌熾洛中冠冕二族最盛左軍巡院本吳越國進奏院直史館樂史宅直集賢院李建中宅有書堂號淨居觀文殿學士張觀宅本太子太師致仕呂蒙正宅真宗兩臨幸之

次北臨鸞坊

河南府廨唐末張全義為尹徙府廨於此至宋皇祐初夏竦張奎重葺之府東西皆有門其榜錢惟演飛白書張全義德政碑在府南門之西紫嵩館景祐中判府事張士遜建為客館通判府事郭稹為記右軍巡院鹽麴院臨鸞館舊監院之地張士遜建

次北延福坊

唐有福先寺水磴四輪齊轉萊國公寇準宅本洛民左氏居有紫牡丹花者準謫官始創之專句司太子

太保呂端宅  
舊有雙市門

今廢

次北富教坊

尚書禮部侍郎吳育園

次北詢善坊

北至洛水唐有郭廣敬宅後為姚崇山池院崇薨為

金仙公主所市

次北銅駝坊

按此坊自洛水之北徙

坊之西北

會通橋

長夏門街之東第四街凡八坊從南第一曰崇讓坊唐有蘇頲竹園韋述記云此坊出大竹及桃諸坊即

細小唐兵部尚書顧少連宅與其下皆失處所河陽節度使王茂元宅李商隱卽茂元婿有崇讓宅詩數篇太僕卿分司東都韋瓘宅瓘自州觀察使除分司大中二年十二月七日過浯溪題云公同優閒誠爲忝幸宦涂蹇薄分亦可知因吟作官不了卻歸來還是杜陵一男子余洛川敝廬在崇讓里有竹千竿有池一畝罷郡之日攜猿一隻越鳥一雙疊石數片將歸洛中方與猿鳥爲伍得喪之際豈足介懷

次北履道坊

隋有樂平長公主宅卽文帝長女周宣帝后也又有宇文愷宅唐有源匡贊宅高力牧宅長壽寺果園唐吏部尚書崔羣宅失處所端明殿學士李淑宅

次北履信坊

本恭儉坊避武太后會祖名改唐有邠王守禮宅本

霍王元祥宅又有館陶公主宅唐太子少保韋夏卿宅宅有大隱洞其下皆失處所武昌軍節度使元稹宅太子賓客李仍淑宅宅有櫻桃池仍淑嘗與白居易易劉禹錫會其上

次北會節坊

唐有祆祠後唐齊王張全義入梁名宗奭梁太祖乾化元年七月辛丑幸宗奭私第宰臣視事於歸仁亭至甲辰歸內今失所在尚書右僕射魏仁浦園太祖幸洛仁浦獻其園牡丹有魏紫蓋出於此園側有宅位今並荒廢太子太師王溥宅溥居喪留守向拱爲營園宅相傳其地本唐徐堅宅而韋述記不載林木豐蔚甲於洛城以嘗監修國史洛人名王史館園司空致仕張齊賢宅園在宅之南吏部尚書溫仲舒園舊有治院今廢

舊有東雙市門

今廢

次北綬福坊

唐有道沖女道士觀河南縣解張全義祠堂全義爲尹時民爲立生祠後設木主祭之皇祐初族孫奎知府事重葺之命從事吳師孟爲記

淨寶尼院

晉天福三年後唐明宗王淑妃兄萬榮以宅建禮部尚書范雍宅雍再知府事葺園亭甚佳

次北從善坊

唐長壽中以蕃胡慕義請立天樞武太后析洛陽永昌二縣置來庭縣解於此坊以領四方蕃客後蕃客隸鴻臚寺神龍元年省孝敬皇帝廟禮閣新儀曰開元七年建廟於東都從善里天寶之後祠饗遂絕唐

左散騎常侍劉子玄宅子玄開元中史官而韋述記載宅在歸德坊其曾孫敦儒有孝行正元末旌表門閭洛中人謂之劉孝子其宅乃在從善坊疑曾徙居今失其所在太師趙普宅普爲留守官爲葺之凡數位後有園池其宏壯甲於洛城迄今完固不壞普以太師歸其第百日而薨子孫皆家上都嘗空闕之尙有樂器壺酒簿書之類局鏤甚多周司空蘇禹珪宅在趙普宅東相鄰太子太保致仕楊凝式宅宅纔三十餘閒其地南北長園林稱是而景趣蕭灑人號錦纏躡自後凡更數主凝式爲太子少師最久又歷左右僕射致仕改太子太保卒而世人但呼楊少師今保平軍節度使同中書門下平章事文彥博家廟并宅慶曆元年郊祀赦許三品以上立家廟而未有奉其詔者皇祐三年公爲宰相奏於河南府建私廟可



之其制四室自宋大臣有家廟此為始焉其地本梁  
宋州宣武軍節度使袁象先宅甯福觀晉天福二年  
建靖安觀俗曰土星觀至宋嘉祐四年判河南府文  
潞公奏改潞公親題其額

次北睦仁坊

按仁字避唐太宗諱改當作人而韋述記與今洛城  
所傳皆作仁唐時坊內出栳實俗稱睦仁之栳嘉慶  
之李甘露院漢乾祐三年建周廣順三年賜名有雕  
木經藏其制甚巧麗官水磴號睦仁礪太子太傅致  
仕李迪園本袁象先園園有松島太子少傅致仕趙  
楨水磴

次北嘉猷坊

北至洛水嘉猷園俗傳後唐明宗置有池號嘉猷潭  
舊為都人游泛之所

長夏門街之東第五街凡八坊從南第一曰里仁坊  
次北永通坊

本曰依仁按韋述記此坊東出外城之永通門其後  
門塞又改坊名唐魏州刺史崔元亮宅失其處所

次北利仁坊

唐有慕容詢宅

次北歸仁坊

泰山廟唐乾甯元年建香林禪院晉天福五年故相  
盧文紀買園地建漢乾祐二年賜名殿壁道士焦知  
雄畫羅漢世稱奇筆歸仁亭見會節坊張全義宅注  
中觀文殿學士丁度園本唐相牛僧孺歸仁園池石  
僅存此纔得其半進過園後唐明宗時民楊行己獻  
之俗以進過為名

次北懷仁坊

南街東出外城之建春門唐有徐彥伯宅張嘉福宅  
次北仁風坊

俗作仁豐非是唐有魏元忠宅坊南運渠太師趙普  
園有水磴

次北靜仁坊

唐有官藥園

次北延慶坊

北至洛水

右長夏街之東南與東至城北至洛水坊四十四

定鼎門街之西第一街 凡六坊從南第一

曰甯人坊

本曰甯民避唐太宗諱改其後多曰甯仁唐有龍興  
寺崔日用宅唐工部尚書東都留守韋虛心宅

次北寬政坊

隋有于仲文宅隋唐河南縣治於此坊又有舒王元  
名宅後為駙馬都尉裴異宅鄭萬鈞別宅崔日知宅  
榆柳園俗傳隋煬帝置垣牆內外多植榆柳亦曰西  
御園與獅子園隔街相對興禪師碑唐中書侍郎嚴  
挺之撰胡霈然書

次北宣風坊

隋有圓行寺唐有楊宏武宅駙馬都尉王守一宅本  
武嗣宗宅

次北宣風坊

隋有衛文昇宅唐有李嶠宅蘇味道宅有三十六柱  
亭子時稱巧絕安國寺舊在水南宣風坊本隋楊文  
思宅後賜樊子蓋唐為宗楚客宅楚客流嶺南為節  
愍太子宅太子升儲神龍三年建為崇因尼寺復改  
衛國寺景雲元年改安國寺會昌中廢後復葺之改

為僧居諸院牡丹特盛今徙東城承福門內為祝釐之所內有八思巴帝師殿

次北觀德坊

隋於此坊置百官射棚取射以觀德之義因以名坊又有國子監唐初唯內臣所居長壽中敕不許宅人居止景福寺本唐千金公主宅垂拱中自敎業坊徙景福尼寺於此會昌中廢晉時為宣徽院軍將朱崇口宅因穿地得石佛遂奏建為寺天福二年賜以舊額而僧居之寶華院後唐長興二年建晉天福三年賜名

次北積善坊

北至洛水隋有周法尚宅唐有明皇舊宅本高士廉宅亦號五王子宅分院而居明皇八分書院額右金吾衛韋機宅後為邱神勣宅神勣誅以賜張易之易

之誅為將作監又有崔神慶宅後為崔日用宅太微宮天寶元年正月置元皇帝廟於東都積善坊九月改廟為太上元皇帝宮一年改太微宮坊之北月陂

河南圖經曰洛水自苑內上陽宮南瀾漫東注隋宇文愷版築之時因築斜隄東令東北流當水衝捺堰作九折形如偃月謂之月陂其西有上陽積翠月陂三隄記唐明皇開元末作三隄命李適之撰記永王璘書其記云及泉而下巨木飛輪而出伏水然後積石增卑而培薄方下而銳上餘皆殘缺不可辨按月陂已見上上陽積翠疑取二宮之名以名隄今隄石皆摧慶中造會通橋亦多徙置之記之背列明皇諸子及當時公卿名位世傳安祿山陷洛陽觀之云此多有賢士之名蕃音譌為鹽鼓遂號鹽鼓碑福嚴

院晉天福八年建開運元年賜名院多植牡丹

定鼎門街之西第二街北隔洛水當皇城之右掖門

凡六坊

按六坊之內比唐多廣利一坊自第三街徙

從南第一日從政坊

唐有李傑宅

次北大同坊

本日植業隋大業六年徙大同市於此凡周四里開四門邸一百四十一區資貨六十六行因亂廢唐顯慶中因舊市以名坊唐有洛汭府

次北承義坊

唐有申王塢宅後為王毛仲宅唐刑部尚書韋抗宅

次北明義坊

本日顯義避唐中宗諱改隋有蜀王秀宅唐有韋安石宅

次北教義坊

唐有武后母榮國夫人宅後立太原寺武后登上陽宮遙見之輒懷感乃徙於積德坊此坊唐與禁苑連接

次北廣利坊

北至洛水即唐洛濱坊之地垂拱中築入苑按廣利坊本在厚載門街之西西市之北其後徙於此地

定鼎門街之西第三街即厚載門街凡五坊

按五坊內比唐增懷義一坊

從南第一日通濟坊

按韋述記厚載門第一街街西本固本坊又改西市次北廣利坊其北抵苑第二街街西從南第一日通

濟坊今乃與西市相通其西南即京城西南隅也坊內隋有姚辨宅甲弩坊天經宮乃文帝寢廟唐有望仙橋南對厚載門北對右掖門今廢

次北懷義坊

按韋述記唐通濟坊即隋懷義坊今通濟外更增懷義蓋唐廣利坊之地廣利即隋富義坊隋有陳叔寶宅

次北瀆和坊

次北南里坊

按韋述記南里北里在瀆和之西今皆居其北

次北北里坊

石定鼎門街西坊十七

洛水之北東城之東第一南北街北當徽安門西街凡六坊街

按六坊之內比唐多道義一坊從南第一曰承福坊

按韋述記東城之南承福門外有承福坊次東玉雞坊次東銅駝坊次東上林坊次東温洛坊旁通凡五大坊皆在洛北漕南二水之間然後敘東城之東第一南北街立德而下凡四坊今洛城承福依舊外玉雞易名銅駝卻在上林之東二坊徙河之南温洛徙近西皆不能詳究且從之爲定又承福在立德之南故併以書之

次北立德坊

在宣仁門外街南唐有玉本文宅後爲都水監吏部選院胡祆祠慶福尼院後唐明宗孫女公主爲尼號弘願大師永洛長興三年建院賜名長興積慶尼院命翰林學士李懌爲之記晉天福三年改廣福院至

宋昭憲太后姪女出俗居此院太平興國三年賜今  
名洛人但名公主院今院內有明宗及晉高祖畫像  
槃桌器用尙有舊物立德禪院後唐同光二年莊宗  
爲僧無學大師契澄建三年賜名契澄姓史雲州人  
驍勇善鬪戰號史銀槍從莊宗入洛自請度爲僧壽  
安禪院梁開平二年龍虎軍統軍袁象先建正明二  
年賜名院有羅漢閣淨眾禪院梁正明元年建後唐  
天成二年賜名普濟尼院後唐同光二年建賜名四  
年兵火焚蕩後重葺之

次北清化坊

隋有鄒王楊慶宅許道進宅唐有左金吾衛都亭驛  
又按河洛記越王侗卽位李密遣李儉送降款以清  
化里紀洪政宅爲賓館以處儉梁泰雷軍節度使劉  
鄩宅以下至劉濤宅皆失處所後唐昭懿夏皇后廟

明帝后泰王閔帝之母晉革命徙後唐神主於此天  
福四年又遷入至德宮後唐廢帝宅天成二年賜帝  
爲河中節度使失守命歸私第後唐端明殿學士呂  
琦宅與廢帝宅相近祕書監致仕劉濤宅太祖時人  
太微宮唐之弘道觀有老君像明皇肅宗二像侍立  
天祐二年柳璨奏改曰太清宮尋改爲太微宮又云  
璨於清化坊舊昭成寺基建太微宮按寺在其北道  
光坊而此通入清化未詳梁開平元年改太微後唐  
同光元年復爲宮天禧三年王欽若奏重葺之加西  
位廊廡及眞武殿天聖元年始成

舊有北雙市門

今廢

次北道光坊

隋有元壽寺唐有昭成寺舊洛陽縣廨

次北道義坊

續添長興應聖禪院梁正明四年建後唐長興二年賜名

次北道政坊

本曰元吉唐永徽中改隋有楊義臣宅千金竭法會禪院後唐清泰元年建晉開運三年兼侍中景延廣奏賜名長興保壽禪院梁正明三年建後唐長興三年賜名周時廢至宋開寶五年重修集福禪院後唐長興四年兼中書令李從敏建漢乾祐元年賜名有麴麩場

東城之東第二南北街北當徽安門東街凡五坊

按五坊之內比唐多永福一坊

從南第一曰永福坊

其南唐之中橋南當長夏門此坊續添奉慈禪院晉

開運二年兼中書令景延廣為母建三年賜名其東思恭坊

唐有張大安宅李多祚宅駙馬都尉王守一山亭院按韋述記思恭在歸義之北乃反之未詳其南即舊玉雞坊之地漣水自北來東南合洛河鎮國橋跨之馮起知府時嘗修之後錢惟演重建用石腳銳其前橋南倚亭從事歐陽修為名爾雅石杠謂之倚亭南金沙灘亦曰金沙磧普慶禪院梁正明六年建後唐長興二年賜名天福資慶尼院後唐長興二年前金州防禦使萇從簡建晉天福二年賜名都亭西驛本糧料院慶麻中西夏款附歲時遣使經途遂建驛以處

次北歸義坊

唐祕書監致仕穆甯宅今失處所福勝禪院本唐大

中中福建觀察使李貽孫宅後唐清泰中曹太后爲  
明宗追福建院殿東有經藏經秩純緣皆用太后宮  
中衣服裁製今尙鮮明板廊周而東臨灑水西有羅  
漢殿洛人因此但名羅漢院太平禪院在福勝院後  
唐垂拱二年太平公主建號太平寺後廢復建爲太  
平禪院慶祿五年併入福勝院今舍宇皆摧圮廣順  
智度禪院漢乾祐元年建周廣順元年賜名隆慶尼  
院周廣順二年符彥卿女爲尼以宅建院顯德元年  
賜名魏王符彥卿宅今廢慧雲尼院晉天福五年建  
次北履順坊

隋有牛弘宅唐有沙苑監杜康祠天慶尼院周顯德  
二年太祖妃李氏爲尼皇城內建院端拱二年詔徙  
於舊宅因賜名按實錄廣順二年以洛京潛龍宅爲  
天勝禪院今洛城更無有疑便是此今院內有周太  
祖世宗二畫像俗號太后院安化禪院後唐長興二  
年建晉天福三年賜名

次北進德坊

北抵城隋有辛公義宅唐有邠廓府長興應福禪院  
後唐長興二年僧惠玘建四年賜名惠玘住莊宗爲  
將軍後爲僧俗號將軍院天福寶地禪院後唐天成  
二年建晉天福七年賜名有慈氏閣  
東城之東第三南非街非當安喜門西街凡六坊  
按六坊之內比唐多北市鄰德二坊

從南第一曰溫洛坊

按韋述記溫洛坊當在積德坊之南今非舊所其南  
卽銅駝坊之地

其東景行坊

唐有華嚴寺鄭善果宅其南卽拜洛壇太府寺賜坊



之地都亭驛前臨灤水後對應天禪院舊驛舍庫陋  
皇祐初知府事張奎葺之始為宏敞什器皆具唐制  
駕在京有馬九十四匹在岸之北

次北北市坊

本臨德坊唐顯慶中立為北市後廢市因以名坊

次北鄰德坊

亦北市之地後增此坊天福延慶禪院後唐長興中  
義州刺史劉再金以宅建晉天福六年賜名資聖禪  
院後唐同光二年建天福二年賜名普安禪院梁正  
明五年建尼院至宋皇祐四年始為應天院麻院

次北敦厚坊

隋有觀王楊雄宅

次北修義坊

北抵城晉司空裴楷墓

東城之東第四南北街北當安喜門東街凡五坊  
按五坊之內比唐多時泰一坊

從南第一曰時泰坊

隋有通遠橋跨漕渠橋南通遠市周六里市南臨洛  
水有臨寰橋唐有放生池其南即上林坊之地續添  
此坊水北倉本梁太祖宅開平元年號大昌宮敬翔  
興創編遺錄云竟不施行乃以為太倉興福尼院太  
子太師致仕宋彥筠以宅建漢乾祐三年賜名

其東時邕坊

隋有蘇威宅唐有郊王府本鄭貴妃宅其南即上林  
官園之地唐戶部尚書致仕崔俊宅嚴因院晉天福  
七年公主建尼院九年賜名至宋道化三年改為僧  
院廣順洪福尼院晉天福七年建周廣順元年賜名  
弘福至宋避廟諱改

次北立行坊

隋有宇文述宅唐有大聖真觀水北巡檢使廨上東門草場其東北有土臺俗傳云晉石崇寵姬綠珠墓而韋述記不載疑非是

次北殖業坊

晉司空王戎墓封演見聞錄曰王戎墓隋代釀家穿傍作窰得銘曰晉司徒尚書令安豐元君王公之銘銘有數百字然則古人葬者已有石記其銘今尚存數十字俗傳為朱買臣墓非是衛國寺唐神龍二年節愍太子建以本封為名會昌中廢光化中復建有小院十一廣順洪壽禪院梁乾化二年建周廣順二年賜名

次北豐財坊

東北抵城唐有薛元超宅

東城之東第五南北街凡五坊

按五坊之內北唐多教業一坊然教業亦舊坊名從南第一曰教業坊

按其地乃唐毓材坊其南即教弩場之地長興保慶尼院本泰山廟地梁正明五年建後唐長興二年賜名中有慈氏閣俗曰閣子寺

次北毓材坊

其地乃廣德懋坊之南半坊之地隋洛陽縣廨居此西去宮城八里又有李雄宅大雲寺後魏建淨土寺隋大業四年自故城徙建陽門內唐正觀三年復徙於此長壽三年改大雲會昌中廢後唐同光二年重建今小院七

次北德懋坊

次北毓德坊

唐有洛陽縣廨鬪富臺今洛人相傳云石崇王愷築會之所而韋述記不著疑妄

次北審教坊

北抵城唐有王峻宅

東城之東第六南北街凡五坊

按五坊之內比唐多賜福教善二坊而易教業之名

從南第一曰積德坊

隋曰遊藝坊盡一坊為楊素宅宅有沈香堂按其南

即温洛之地唐有司農寺輪場長松營太平公主園

次北賜福坊

續添本教業坊之南半坊之地隋有長孫熾宅天女

尼寺唐正觀九年建景福寺武后改天女會昌中廢

後唐同光二年重建今有小院二十九

次北教善坊

續添亦教業坊之地

次北興藝坊

唐有麟趾尼寺金谷府

次北通遠坊

北抵城按明皇雜錄曰開元中樂工李龜年能歌特

承顯遇於東都通遠坊大起第宅僭侈踰於公侯中

堂制度甲於都下其後裴晉公度購得之移於定鼎

門別廬號綠野堂

右洛水之北東城之東坊三十一

按蕭穎士集興敬里有祕書少監趙驊宅驊字雲卿

子宗儒相德宗而韋述記無興敬坊疑後改之

元河南志卷一

宗廟  
 門  
 堂  
 承  
 北  
 書  
 大  
 南

# 元河南志卷一

## 成周城闕宮殿古蹟

河南府古城特眾書謂周公召公卜澗水東瀍水西惟  
 洛食者所築乃周王城即武王謂為天室定鼎於郊廓  
 之所又卜瀍水東亦惟洛食者所築乃成周下都周處  
 殷民兩城東西相去四十里而王城西近澗水南臨洛  
 水即澗水也至隋煬聽蘇威言南當伊闕東去王城五  
 里為宮大業十三年遂平毀王城而皇城處城西偏外  
 築宮城宮城東復為東城又南跨洛水北踞邙嶺大為  
 羅城而洛貫其中以象天津號紫微城唐五代宋因之  
 其留守分司御史臺漕運使司河南府河南縣皆在水  
 南金於正大初築城東臨瀍水南仍承福門迤東西據

東城之西故皇城北縮於東城之郭僅一里爲中京金昌府置留守司凡官署公廨悉自水南徙入實今府城也周下都至敬王避子朝之亂遷居之以其狹小晉魏舒會諸侯毀狄泉而大之有南北宮漢高祖欲都此聽婁敬張良之言遂都長安至光武竟都之歷魏晉元魏皆以爲都唐日尚佳今爲邱墟矣大抵周召營卜之城今皆夷蕩或半存茲輯洛陽志至城闕宮殿迺爲詳著之庶幾後人易喻云又云王城卽武王克商遷九鼎于洛邑言毋遠天室者周公成王成其志召公實先經理之乃卜澗水東瀍水西惟洛食爲朝會之地周公留後治之至平王東遷都此

周書曰周公作大邑成周于土中立城方千六百二十丈郭方七十二里南繫于洛水北因于邾山以爲天下之大制博物記曰王城方七百二十丈郭方七

十里南望洛水北至邾山春秋左氏傳襄二十四年齊人城邾杜預曰邾王城也按周書云成周蓋誤當爲王城也

面有三門凡十二門南城門曰圍門東城門曰鼎門帝王世紀曰東南門名鼎門蓋九鼎所從入北城門曰乾祭

春秋左氏傳昭二十四年晉侯使士景伯涖問周故士伯立于乾祭而問於介眾杜預曰乾祭王城北門介大也酈元水經注曰子朝之亂晉所開也

餘名不傳每門三涂男子由右女子由左車從中央南北之道爲經東西之道爲緯涂闊二十步王宮當中涂之經左祖右社面朝後市王宮有五門曰路門應門雉門庫門皋門宮有六寢前曰路寢餘五寢居後總曰燕寢

東北一寢春居之東南一寢夏居之西北二寢秋冬居之中央一寢季夏居之

其內有后之六寢九嬪以不分居之近郊三十里之地為明堂以祀文王事上帝

高三丈東西九筵南北七筵堂崇一筵九堂十二室每堂四戶八牖其宮方一百步

左巷

杜預曰近東城

又志云成周之城周之下都也即周公成王患四方之遠監三監之叛又卜灋水東惟洛食作此以處商民欲徙周而居之至敬王避子朝之亂遷於是及敬王徙都晉侯合諸侯于狄泉始大其城帝王世紀曰敬王避子朝之亂東居成周故春秋稱率諸侯之徒修繕其城以成周小不受王都故壞狄泉而廣焉又曰城東西六里

十一步南北九里一百步晉元康地道記曰王城去洛城四十里城內南北九里七十步東西六里十步為地三百頃一十二畝三十二步陸機洛陽記曰洛陽城周公所制東西十里南北十三里城上百步有一樓櫓外有溝渠華延雋洛陽記曰洛陽蓋周敬王所都之地所謂東周也後漢魏晉隋並都於此城東西七里南北九里按成周即漢洛陽縣陸機所謂洛陽城蓋成周也今故洛陽城即成周之城舊址尚存俗傳東西六里南北九里亦曰九六城與帝王世紀元康地道記不異

宣榭

講武屋也

襄宮

襄王廟也

呂溫古東周城銘并序魯昭公三十二年周襄王合

諸侯之大夫城成周晉女叔寬曰天之所壞不可支也葛違天必受其咎異歲周人殺葛左氏明徵以爲世規俾持顛之臣沮其勝氣非所以勵尊王垂大順也子經其地而作是銘

文王受命肇興西土周公作洛始會風雨居中正本拓統開祚盛則駿奔衰則夾輔平王東遷九鼎已輕二伯之後時無義聲大夫葛言抗其傾坐召諸侯廓崇王城雖微遠猷實被令名宜福而禍何傷於明立臣之本委質定分爲仁不卜臨義不問無天無神唯道是信國危必危國滅不振求而不獲乃以死殉興亡理亂在德非運罪之違天不可以訓升墟覽古慨焉遐憤勒銘頽隅以勸大順

後漢城闕宮殿古蹟

後漢都城卽周敬王會諸侯毀狄泉大築成周爲都之

城有南北宮光武入洛陽幸南宮卻非殿遂定都焉又云後漢都城有南宮北宮光武因周敬王都而廣大之今白馬寺東遺址僅存門十二南面四門正南曰平門

東一作平城門古今注曰建武十三年開蔡邕曰平城門正陽之門也與宮連郊祀法駕所從出門之最尊者漢官秩曰平城門爲宮門不置候按靈帝紀曰南宮平城門當是宮在門之內所以連言也李尤銘曰平門督司午位處中外臨僚侍內達帝宮正陽南面炎暑赫融

東曰開陽門

應劭漢官儀曰開陽門始成未有名夜有一柱來止樓上後琅邪開陽縣上言南門一柱忽然飛去莫知所在光武使視之則此是也因以名門李尤銘曰開

陽在孟位月惟已清明冠節太陽進起

西曰宣陽門

按漢志十二門名有小苑門而獨無銘莫知其方所而十道志列在平城之西董卓傳孫堅軍太谷進宣陽城門注曰洛陽記南面有四門從東第三門也是則小苑亦名宣陽

次西曰津門

當洛水浮橋下作津城門又作津陽門李尤銘曰

東面三門南曰旄門

一作宣平門又曰望門李尤銘曰旄門值季月位在

辰順陽布惠貧乏是振

中曰中東門

李尤銘曰東處仲月厥位當卯鶡鷄有聲鷹隼匿爪

除去桎梏獄訟勿考

北曰上東門

按賈誼疏曰擇良日立諸子雒陽上東門之外是則西漢時已有上東門矣漢舊儀曰冊皇太子諸侯王皆於上東門李尤銘曰上東少陽厥位在寅條風動物月正孟春

西面三門南曰廣陽門

李尤銘曰廣陽位孟厥月在申涼風時至白露已分

中曰雍門

一曰雍城門李尤銘曰雍門處中位月在酉盲風寒

濁鷹歸山阜鷹一作燕

北曰上西門

應劭漢官儀曰上西所以不純白者漢家厄於戌故以丹飾之門上有銅璿璣玉衡李尤銘曰上西在季



位月惟戌菊黃豺祭號令嚴悉

北面二門東曰穀門

一作穀城門李尤銘曰穀門北中位當于子太陰主

刑殺伐為始子或作丑始作首

西曰夏門

一作夏城門李尤銘曰夏門值孟位月在亥不周用

事玄冥幽晦陰陽不通蟬螻匿彩迎冬北壇順陰所

在

南宮南臨洛水去北宮七里

在平城門內高祖居洛陽南宮從複道望見諸將偶

語南宮之名見於西漢之初水經注曰漢世洛陽宮

殿門題多是大篆或云蔡邕書土東門之北景限

朱雀蒼龍白虎元武闕北闕

洛陽故宮名曰北闕南宮闕曰武闕

司馬門

史記注曰凡言司馬門者宮垣之內兵衛所在四面

皆有司馬主武事總言之外門為司馬門也賈誼書

曰天子宮門曰司馬門

掖門

漢制內至禁者為殿門外出大道為掖門應劭曰掖

者言在司馬門之旁掖也

南端門

薛綜曰南方正門也

卻非門九龍門

薛綜曰九龍本周時殿名門上有三銅柱柱有三龍

相亂繞故曰九龍嘉德門 會門

章臺門

崇德殿前

樂成門

南宮中門

敬法門 含章門 嘉德門 盛德門 會福門 威

興門 宜秋門 承明門 金馬門 三輪門 封育三

東門 京所造武帝令東方朔等待詔於內

鴻都門

靈帝命蔡邕書五經刻石立此

登賢門 青瑣門

黃門郎旦暮拜處

春興門 崇德殿

宮之正殿

卻非殿 光武入洛陽幸南宮卻非殿遂定都

章德殿

前殿

玉堂殿

前有後殿中平三年復修玉堂殿鑄銅人四黃鐘四

及天祿蝦蟇

嘉德殿

在九龍門內孝仁董皇后常居之稱永樂宮

宣德殿

建武二十年詔置名馬式於前殿前

樂成殿

承福殿 宣室殿 明光殿

尚書郎奏事此殿

顯親殿

建始殿 東有太倉武庫 含章殿 山謙之丹陽記曰含章名起後漢

敬法殿

明德馬皇后以疾坐殿之東廂

銅馬殿

清涼殿

鳳凰殿

黃龍殿

壽安殿

竹

自敬法已下見洛陽宮殿名在南宮中

中德殿

平朔殿

見洛陽故宮名

千秋萬歲殿

溫德殿

靈臺殿

靈帝中平二年南宮火續漢志曰時燒靈臺殿樂成

殿延道西燒嘉德和驩殿

楊安殿

獻帝自長安還張楊喜修洛宮以為己功因以楊名

雲臺殿

內有廣室殿洛陽地記曰雲臺高閣四閒

蘭臺

蘭臺石室宣名鴻都皆藏典策之所

阿閣

馬嚴祭蚩尤明帝御阿閣士眾

長秋宮

內有和驩殿

東西宮

衛宏漢舊儀曰帝為東宮皇后為西宮

東觀

承風觀

陸機洛陽記曰在南宮高閣十二閒

承善闈

仁壽闈

班固定建武注記於此

承明堂

萬金堂

嘉德署

南署

武庫

侍中廬

洛陽故宮名曰在南宮中

太倉西園

靈帝造萬金堂於園中有少華山

北宮

蔡質漢官典職曰南宮至北宮中央作大屋複道三行天子案行中道從官夾左右十步一衛兩宮相去七里古詩云兩宮遙相望雙闕百餘尺

止車門

有南門東西門漢官典職曰朱雀門在止車門內

朱雀蒼龍白虎元武闕

漢官典職曰偃師去宮三十五里望朱雀五闕德陽殿其上鬱律與天連

司馬門掖門

又有南掖北掖東掖西掖左掖虎賁掖門

端門

馬融對策於北宮端門

廣義門雲龍門

崇宮東門

神虎門

宮西門

朔平門東明門

德陽門

崇賢門

帝王崇賢門

金商門

在神虎門內

鐵柱門

李松奉引更始馬驚奔觸北宮鐵柱門

盛饌門建禮門

在崇賢門內尚書郎更直門外

含德門 章臺門 德陽殿

東觀漢記曰明帝欲起北宮尚書僕射鍾離意上書諫出為魯相後起德陽殿殿成百官大會上謂公卿曰鍾離尚書若在不得成此殿殿前有東閣漢官典職曰德陽殿畫屋朱梁柱皆金鏤一柱三帶韜以赤緹周旋容萬人激洛水於殿下洛陽宮殿簿曰殿南北行七丈東西行三十七丈四尺應劭漢官儀曰在崇賢門內李尤銘曰皇考垂象以示帝王紫微之側弘誕彌光大漢體天承以德陽崇高弘麗包受萬方內綜朝貢外示遐荒蓋北宮殿之最尊者

崇德殿

亦明帝造薛綜曰崇德在東德陽在西相去五十步

蘇驩殿 安福殿

薛綜曰蘇驩安福二殿在德陽殿南

宣明殿

在德陽殿後

溫明殿 章德殿 壽安殿

或作德陽宮內殿名

含德殿 章臺殿 天祿殿 溫飭殿 迎春殿 永

甯殿 崇政殿

在金商門內

永樂宮

續漢志曰德陽前殿西北入門內永樂太后宮即桓

帝母也

增喜觀

和喜鄧后即此閣門宮人

白虎觀

白虎門名於門立觀因名之內有殿章帝會羣儒講

五經同異

九子坊

漢宮閣名曰洛陽故北宮有九子坊

東西掖庭 崇德署

在金商門內

鉤楯署 掖庭署 朔平署

右北宮

城內街二十四

漢官典職曰雒陽二十四街街一亭

長壽街

光武見陳留吏牘抵言於長壽街上得之

萬歲街 土馬街

已上見應劭風俗通義

銅駝街

河南志卷二

華延儁洛陽記曰漢有兩銅駝在宮之南街四會道頭夾路東西相對高九尺漢時所謂銅駝街又曰洛陽又有香街陸機洛陽記曰俗語曰金馬門外聚眾賢銅駝陌上集少年風土記曰石季龍後取銅駝向

香街

見上按二十四街所見惟五

三市

華延儁洛陽記曰大市名金市在城中南市在城之

南馬市在大城之東

都亭二十四

見上又華延儁洛陽記曰城內都亭二十四

芳林亭 奉常亭 廣世亭 昌益亭 廣莫亭 定

陽亭 遮要亭 暴室亭 廣陽亭 西明亭 萬歲

河南志卷二

十二

亭

按亭在故嵩陽縣西北已載登封事中此云城內都亭恐非足

文陽亭 東明亭 視中亭 東因亭 建春亭 止

斲亭 德宮亭 東陽亭 千秋亭 安眾亭 孝敬

亭 清明亭

已上惟奉常一亭見漢書餘見延儒記而失一名

里城內

按城之內外皆有里名今但錄所見者又呂靜韻集

大葦里名在洛陽不知時代今附見之葦音

步廣里

在上東門內有翟泉

永和里

有董卓宅

永安宮

洛陽宮殿名曰周回六百九十八丈洛陽宮殿簿曰

宮內有景福殿安昌殿延休殿有園東京賦曰永安

離宮修竹冬青又永安有候臺李尤銘曰合歡黃堂

中和是遵舊廬懷本新果暢春候臺集道俾司星辰

豐業廣德以協天人萬福來即嘉娛永欣

高安館

李尤銘曰巍巍高安明聖是修雋巽麗館窗闥列周

增臺顯敞禁室靜幽長除臨起櫺檻相承聖朝明察

同保休徵

太尉府

建武二十七年改大司馬為太尉蔡質漢官典職曰

府開闕王莽初起大司馬後盜神器遂貶去其闕漢

官儀曰張衡說明帝以為司徒司空府已榮欲更治

太尉府公趙熹也西曹掾安眾鄭均素好名節以爲朝廷新造北宮整飭官寺早魃爲虐民不堪命曾無殷湯六事周宣雲漢之辭今府本館陶公主第舍大員職既少自足相受熹表陳之卽見聽許其冬帝幸辟雍歷二府見皆壯麗而太尉府獨卑陋顯宗東顧歎息曰椎牛縱酒勿令乞兒爲宰時熹子世爲侍中驂乘歸具白之熹以爲恨頻譴責均均自劾去

司徒府  
漢官典職曰府與蒼龍闕對厭於尊者不敢號府應劭曰此不然丞相舊位在長安時府有四出門隨時聽事明帝本欲依之迫於太尉司空但爲東西門耳國每有大議天子車駕親幸其殿殿西王侯以下更衣併存周禮有外朝于寶注曰禮司徒府中有百官朝會殿天子與丞相決大事是外朝之存者建安十

三年罷三公官置相國荀綽晉百官表注曰漢丞相府門無闌不設鈴不警鼓言其深大闊遠無節限也周禮王之會同軍旅甸役之禱祠肆儀爲位鄭元注肆習也若今時肆司徒府也

司空府  
古今注曰永平十五年更作太尉司徒司空府開陽城門內與上文不同

承華殿  
順帝漢安元年置

駮驥殿  
東觀漢記曰靈帝光和四年初置駮驥殿領郡國調馬調謂徵發

中藏府 承祿署 圃囿署 諺門  
在小苑門內冰室門也東京賦曰諺門曲榭薛綜曰



冰室門及榭皆屈曲邪行依城池爲道水經注曰諺  
中門卽宣陽門也門內有宣陽冰室漢書曰幽平之後  
分爲二周有逃責之臺服虔曰周赧王負責無以歸  
之迫主責急乃逃於此臺後人因以名之劉德曰洛  
陽南宮諺臺是也諺者移又直移反帝王世紀曰周  
赧王雖居天子之位爲諸侯所侵逼與家人無異貫  
於民無以歸之乃上臺避之故周人因名其臺曰逃  
債臺故洛陽南宮諺臺是也

### 濯龍園

司馬彪續漢書曰在洛陽西北角續漢志曰近北宮  
明德馬后置織室於園中又按桓帝祠黃老於濯龍  
宮薛綜注東京賦引洛陽圖經曰濯龍池名故歌曰  
濯龍望如海河橋渡似雷疑皆在園中因以名又有  
濯龍池

### 芳林園

在步廣里明帝詔先帝時靈芝生芳林園自吾建承  
露盤已來甘露復降有崇光華光二殿

### 修明苑

內有華陽殿興嘉殿

### 九龍池

御龍池 白石池 天泉池 梁冀宅

張璠漢記曰梁冀於洛陽城內起甲第作陰陽殿連

### 閣洞房

城西右城內兩宮之外

### 城外門亭十二

漢官典職曰洛陽二十四街街一亭十二城門門一  
亭今所見惟九亭

### 津門亭

東海王疆薨顯宗出幸津門亭發哀

皋門亭 宣德亭 長壽亭 宣陽亭

宣陽門外

凡陽亭

城西

夕陽亭

城西又按晉賈充出鎮長安百寮餞送於此自旦及

暮故曰夕陽亭疑因其舊名

萬壽亭

夏門外

臨平亭

疑在城北

里

錄所見者

上商里

官賜鮑永洛陽商里宅東觀記曰上商里也陸機洛陽  
記曰在洛陽東北本殷頑人所居故以名

明堂靈臺辟雍

光武中元元年建漢官儀曰明堂去平城門二里所  
天子出從平城門先歷明堂乃至郊祀又曰辟雍去  
明堂三百步四門外有水以節觀者門外皆有橋車  
駕臨辟雍從北門入漢宮閣疏曰靈臺高三丈十二  
門水經注曰高六丈方二十步張衡東京賦曰左制  
辟雍右立靈臺薛綜注曰德陽殿東西非也

太學

光武建武五年起陸機洛陽記曰在開陽門外去宮  
八里講堂長十丈廣三丈靈帝召諸儒正定五經刊  
石於是熹平四年蔡邕與五官中郎將堂谿典光祿  
大夫馬日磾議郎張訓韓說太史令單颺等奏定六

經刊于碑後儒晚學咸取正焉及碑始立其觀視及  
筆寫者千餘人填塞街陌其碑爲古文篆隸三體立

太學門外

零場

大在明堂南

承光宮

在廣陽門外

平樂觀

明帝永平五年至長安迎取飛廉銅馬置土西門外

平樂觀觀一作館靈帝設祕戲以視遠人東京賦曰

平樂都場示遠之館自魏曰明堂去平樂門二里

長樂觀

疑在北門外東北本魏人祖居地以名

宣陽觀亦四百尺觀于東門外曰土商里也

靈帝光和五年起在阿亭道

千秋觀 鴻池觀 泉城觀 揚威觀 石樓觀

五觀見陸機洛陽記云在洛陽城外

鼎中觀

輿地志曰在洛陽西南洛水北是成王定鼎處

西苑

順帝陽嘉元年起又有西園續漢書曰中平二年造

萬金堂於西園

鴻德苑

桓帝延熹元年置在津城門外

顯陽苑

延熹二年造

畢望苑

靈帝光和三年作二苑東苑周一千五步中有漁梁

臺西苑周三千三百步並在宣平門外  
靈琨苑

亦靈帝光和三年作

平樂苑 上林苑

洛陽宮殿名有平樂苑上林苑

存城外

按漢宮殿名曰洛陽有泰夏門閭闔門西華門

萬春門長秋門景福門永巷門丙舍門鴻都門

金牙門不老門定鼎門又洛陽故宮名曰有飛

兔門廣懷門明禮門千秋門金門笙鏞門神仙

門又有照園九谷池八溪池皆莫知所在今附見

魏城闕宮殿古蹟

魏城門十二

皆循漢名明帝造三層樓於夏門去地十丈故陸機

宮室

與弟書云大夏門有三層樓高百尺

按魏略曰董卓燒南北之宮魏武帝更于夏門內立

北宮魏世宮殿名所見獨少疑承漢之舊故也其宮

榜多梁鵠八分體南宮既建明帝令侍中韋誕以古

篆書之

司馬門

大明帝景初二年鑄銅人二號翁仲列坐於門外水經

注曰王有五門皋庫雉應路門也明帝改雉門為閭

闔門又曰明帝始築闕崩壓殺數百人遂不復築故

無闕門

承明門

陸機洛陽記曰承明門後宮出入之門吾常怪曹子

建詩謁帝承明廬問張公公云魏明帝作建始殿朝

會皆由承明門

雲龍門

承明帝造

肅城門

魏書曰文帝初在東宮集諸儒於肅城門內講論大

義侃侃無倦

太極殿

明帝青龍三年大治洛陽宮起昭陽太極殿築總章

觀華延儁洛陽記曰殿有四金銅柱戴延之西征記

曰太極殿上有金井闌金博山鹿盧蛟龍負山於井

上又有金獅子按此殿水經注曰是漢南宮崇德之

基歷代正殿皆以太極名之自此始也

九龍殿

青龍二年崇華殿改名九龍引穀水過其前高堂

隆傳曰時郡國有龍九見故曰九龍魚豢魏略曰殿

前有玉井綺闌

建始殿

見上

昭陽殿

見上在太極之北明帝所治鑄黃龍高四丈鳳凰二

丈置殿前又魏志曰明帝建昭陽殿公卿以下至於

學生莫不展力帝乃躬自握土以率之

式乾殿

顯陽殿 明帝景初閒造皇后正殿也按晉文帝諱昭遂改曰

顯陽而此與昭陽兩出未詳

嘉福殿

文帝明帝並崩於嘉福殿

崇華殿

文帝疾篤司馬懿曹真陳羣見於崇華殿之南堂  
仁壽殿

魏志曰明帝與東阿王詔曰昔先帝時甘露屢降於  
仁壽殿靈芝生芳林園中自吾建承露盤已來甘露  
復降芳林園仁壽殿前  
文昌殿

文帝黃龍元年冬至日黃雀集于文昌殿前見曹植  
表

含章殿  
顯陽之東

徽音殿  
顯陽之西

雲氣殿  
楊龍驤洛陽記曰顯陽殿之北有雲氣殿

芙蓉殿 九華殿 承光殿

三殿見洛陽宮殿簿  
乾元殿 避雷室

楊龍驤洛陽記曰顯陽殿北有避雷室西有御龍室  
御龍室

見上  
總章觀

見上又有百葉鈔曰魏築總章觀建翔鳳於其上使  
八方才人六宮女尚書居之李善注文選總章觀明  
帝立

聽訟觀  
明帝太和元年改平望觀為聽訟觀其西北即華林  
園隸簿

凌霄觀  
園隸簿

明帝作凌霄觀始構有鵠巢其上侍中高堂隆曰起闕而鵠巢不得居之象

崇文觀

明帝青龍二年造集善屬文者充之

宣武觀

明帝于宣武場上為欄苞虎爪牙使力士袒裊迭與之搏縱百姓觀之

元武館東堂西堂

山謙之丹陽記曰東西堂亦魏制於周小寢也

翦吳堂

見魏名臣奏

陵雲臺

文帝黃初二年築在宣陽門內韋誕題名榜經曰髮白為輓轡絞上楊龍驤洛陽記曰高二十丈登之見

孟津世說曰陵雲臺樓觀極精巧先稱平眾材輕重當宜然後造構乃無錙銖遞相負揭臺雖高峻常隨風搖動而終無崩壞明帝登臺懼其勢危別以大材扶持之樓即便頽壞論者謂輕重力偏故也

永始臺

魏略曰黃初五年文帝東征留郭后於永始臺

三層樓

魏略曰武帝立北宮明帝造三層樓高十丈陸機與弟書曰大夏門魏明帝造有三層樓高百尺羣臣景

百尺樓

洛陽記曰洛陽城內西北隅有百尺樓文帝造

鞠室

明帝青龍元年鞠室災

永甯宮

齊王時曹爽用何晏之談遷太后於永甯宮專擅朝政

### 華林園

卽漢芳林園文帝黃初五年穿天淵池六年又於池中築九華臺明帝取白石英及五色文石於太行穀池之山起景陽山於園中帝躬自握土以率羣臣景陽山北結方湖湖中起御坐石前建蓬萊山景陽山東有九江中作員壇三破之俛水得相通故曰濯龍芳林九谷八溪避齊王名改華林有疏圃天淵池中有殿悉是洛中故碑累之南有文帝茅茨堂前有茅茨碑洛陽圖經曰華林園在城內東北隅水經注曰華林園疏圃中有古井悉珉玉爲之以緇石爲口工作精密獨不變古璨焉如新

### 桐園 靈芝池

黃初三年穿

### 幽泉池

陰流池

鳴鶴池

流杯池

堂皇宮

漢晉

郭緣生述征記曰廣陽門北明帝流杯池猶有處所池西平原懿公主第有皇女臺

### 濛汜池

明帝於宮西鑿池以通御溝義取日入濛汜爲名至晉張載作賦曰幽瀆傍集潛流獨注澹淡滂沛更來迭去仰承河漢吐納雲霧

### 靈臺辟雍

陸機洛陽記曰靈臺在洛陽南去城三里又曰辟雍在靈臺東相去一里俱魏所徙

### 太學

正始中立篆隸古文三字石經又刊文帝典論六碑附其次



渭陽館

明帝為外祖母甄氏築館侍中繆襲曰此館之興情鍾舅氏宜以渭陽為名

渭陽里

又名其里

西橋

魏略曰洛陽城西橋中橋洛水浮橋三柱三柱三公象也

十里一亭

魏略曰從長安至大秦人民連屬十里一亭

右宮館池苑內外兼錄

按丹陽記曰漢魏殿觀多以複道相通故洛宮之閣七百餘間華延雋洛陽記曰堂皇宮殿皆石玉璫龍栴藻祝

晉城關宮殿古蹟門 西門

晉都城亦在成周門十二

陸機洛陽記曰洛陽十二門門有閣閉中開左右出入城內大道三中央御道兩邊築土牆高四尺公卿

駟尚書章服從中道凡人行左右道左入右出不得相逢夾道種槐柳樹晉書曰洛陽御道築牆高丈餘百

東郡邸舍皆在城內又曰洛陽十二門皆有雙闕有橋

橋跨陽渠水按輿地志曰洛陽城四面有陽渠水即

東周公所製也土源出幽谷東流注城西北角分流繞

城至建春門外合又折而東流注於洛朱超石與兄

書曰洛下道路本好行種青槐蔭映可愛華延雋洛陽記曰城內宮殿臺觀府藏寺舍凡有一萬一千二百一十九門自劉曜入洛元帝渡江官寺里閣鞠為

南面四門曰平昌門

漢之平門

開陽門曰宣陽門 津陽門

漢之津門按永嘉二年王彌至洛陽屯於津陽門彌

兵敗燒建春門而東疑此用漢名為津陽門

東面三門曰清明門

漢之宣平門

東陽門

漢之中東門

建春門

漢之上東門二曰上昇門按永嘉三年王彌燒建春門已見上三年劉曜以兵屯于上東門而一門二名

未詳

西面三門曰廣陽門

西明門

漢之雍門

閶闔門

漢之上西門

北面二門曰廣莫門

漢之穀門

大夏門

漢之夏門魏曰夫夏

長春門

朱明門

青陽門

承明門

崇禮門

雲龍門

楊駿被討主簿請燒雲龍門以示威駿曰魏明帝造此大功奈何燒之

風虎門

神獸門

東對雲龍門

萬春門 太極殿

洛陽宮殿簿曰太極殿十二間殿前南行仰閣三百二十八間南上總章觀閣十三間東上凌雲臺閣十一間殿前有兩株萬年樹

建始殿 明陽殿

本昭陽殿避文帝諱改

式乾殿 暉章殿

顯陽殿

含章殿

崇賢門

又有含章鞠室

徽音殿 崇賢殿

仁壽殿

殿前有大方銅鏡向之寫人形體

百福殿 章華殿

嘉福殿

宣光殿

修明殿

嘉

樂殿 芙蓉殿

章陽殿

百兒殿

又有百子殿

芳德殿 清暑殿

靈圃殿

承光殿

永甯殿

景

福殿 延休殿

虞淵殿

洞冥殿

安昌殿

明光

殿 萬年殿

已上見晉宮閣名及洛陽宮殿簿

東堂 西堂 宣猷堂

堯母堂

長壽堂

則百堂

螽斯堂 休徵堂

延祿堂

承慶堂

仁壽堂

綏福堂 含芳堂

樂昌堂

椒華堂

芳香堂

顯

成堂 承光堂

五福堂

嘉寧堂

桃閒堂

皇

洛陽記曰洛陽宮有桃閒堂皇杏閒堂皇棕閒堂皇竹閒堂皇李閒堂皇魚梁堂皇醴泉堂皇百戲堂皇水碓堂皇擇果堂皇

金光閣 清陽閣

朱明閣

承休閣

安樂閣

白

藏閣 顯仁閣

崇明閣

章德閣

飛雲閣

安世

閣 長安閣

文成閣

明慶閣

崇陽閣

延明閣

閣 通明閣

修雲閣

通福閣

徽音閣

承休閣

閣 通明閣

修雲閣

通福閣

徽音閣

承休閣

元明闈 元暉闈 崇禮闈 白藏闈 羲和温房

顯昌坊 修成坊 綏福坊 延祿坊 休徵坊 承

慶坊 桂芬坊 椒房坊 舒蘭坊 藝文坊 鳳凰

樓 伺星樓

已上並見晉宮閣名

引訓宮

懷帝立惠帝羊皇后居之

臨商觀

陸機洛陽記曰宮中有臨商陵雲宣曲廣望闈風萬

世修齡總章聽訟凡九觀皆高十六丈以雲母著窗

裏日曜之焯焯有光輝又曰八觀在宮之西惟聽訟

一觀在東華延儁洛陽記曰洛陽城十八觀皆施元

檻鐵籠疏雲母幌而不載十八觀名蓋兼宮外而言

也

陵雲觀 宣曲觀 廣望觀 闈風觀 萬世觀 修

齡觀 總章觀

觀內有儀鳳樓觀之南別有翔鳳樓又有慶雲樓

聽訟觀

陸機與弟書曰聽訟觀東作百丈許廊屋

元覽觀

洛陽宮殿簿曰觀南行至臨商觀高閣五十五間

東汜觀

清覽觀 高平觀 洛陽宮殿簿曰觀南行至清覽觀高閣六十四間

見親觀

洛陽宮殿簿曰閣九間

高樂觀

萬年觀 已上建康宮闕簿引洛宮中所有

射雉觀

在廣陽門之西北

鬪雞臺

同上

崇文臺

陵雲臺

見述

征記曰臺有明光殿西高八丈累塼作道通至臺

上登臺

迴眺究觀洛邑暨南望少室亦山岳之秀極

也

冰室

陸機

洛陽記曰冰室在宣陽門內常有冰天子用賜

王公

眾官戴延之西征記曰凌雲臺有冰井延之以

六月

持去經日猶堅述征記曰冰井在陵雲臺北古

舊藏

春王園

陸士衡

詩曰逍遙春王圃李善曰晉宮閣名洛陽宮

有春王園

瓊圃園

雲芝園

石祠園

並見晉宮閣名在洛陽宮

右宮內

太子宮

陸機

洛陽記曰太子宮在大宮東簿室門外中有承

華門

承華門

見上

崇政殿

晉太子宮

有崇政殿

右太子宮

千秋門

齊王冑臣五人大治第舍開千秋門南墉以通西閣

平君門

華延雋洛陽記曰平君門漢小苑南門也

宣武觀

在大平宮

晉宮閣簿曰在大夏門內東非故云南望天淵池北瞻宣武場

璽觀

河南十二縣境簿曰在廣陽門北

鬪雞臺

述征記曰廣陽門西南有劉曜壘壘西曜試弩棚西

射雉臺

見上

永甯宮

洛陽宮殿簿曰有連閣二百八十六

璇華宮

有玉井

華林園

內有崇光華光疏圃華延九華五殿繁昌建康顯昌延祚壽安千祿六館園內更有百果園果別作一林各有一堂如桃閒堂杏閒堂之類有古玉井悉以珉玉爲之園內有方壺蓬萊山曲池

平樂苑

鹿子苑

在河南縣之西

桑梓苑

城西

元圃園

楊佺期洛陽記曰東宮之北曰元圃園內有宣猷堂

舍利池

都亭池

靈芝池

潛靈池

綠池

靈臺

明堂 辟雍 國學 太學

述征記曰國學在辟雍東北五里太學在國學東二百步

前後左右將軍府

陸機洛陽記曰五營校尉前後左右將軍府皆在城中潘岳宅之西

三市

閒居賦曰陪京沂伊面郊後市陸機洛陽記曰洛陽凡三市大市名曰金市在臨商觀之西馬市在大城之東洛陽縣市在大城南然此市洛陽縣也一說三市謂平樂市金市馬市也金市在凌雲臺西北對洛陽壘馬市在大城東前有石橋悉用大石下員以通水可過大舫洛陽故宮名曰馬市在城東吳蜀二主館與相連水經注曰馬市即嵇康爲司馬昭所害處

晉志曰五部三市東西七里南北九里

百郡邸

陸機洛陽記曰百郡邸在城中東城下步廣里

銅井

洛陽記曰宮牆西有兩銅井連御溝名曰濛汜

太倉

在建春門內杜預曰翟泉在太倉西南

常滿倉

建春門外

永安里

宣帝宅

汝陽里

趙王倫宅

延嘉里

夏侯湛宅嘉一作喜

德宮里

潘岳宅

宜春里

左思所居

白社里

董京字威輦初至洛陽被髮而行逍遙吟詠常宿白社中時乞於市殘碎繒絮結以自覆金帛佳縣則不肯留其里在建春門東

步廣里

在翟泉側晉起居注曰永嘉元年里內地陷有二鷺出一蒼一白蒼者冲天白者在地陳留孝廉董養曰百步廣里即周之狄泉舊盟會之地也蒼者胡象白者晉象今胡色盛晉色弱其可言乎

諸里

晉宮閣名曰洛陽城中諸里年和里宜壽里永年里

宜都里太學里富弼里大雅里孝敬里安城里左池

里東臺里安民里延壽里日中里西國里東牛里穀

賈陽里北恢里安武里孝西里太始里光林里石市里

宜秋里葛西里西河里宣賜里南孝里中恢里宜年

里渭陽里利民里西樂里北溪里西義里中統里宣

金都里石羊里中安里右池里

諸坊

晉宮閣名曰洛陽宮有顯昌坊綏福坊延祿坊休徵

坊承慶坊福昌坊壽成坊宣光坊安樂坊舍利坊益

壽坊永壽坊城祚坊陽遂坊桂芬坊椒房坊舒蘭坊

藝文坊恭職坊繁昌坊吉陽坊肅成坊按唐坊名通

謂之里如白樂天居履道坊亦曰履道里今有坊又



有里未詳

城內都亭

華延儁洛陽記曰城內都亭華林奉常廣世昌益廣

莫定陽遮要暴室廣陽西明萬歲文陽東明視中東

因建春止姦德宮東陽千秋安眾孝敬清明二十四

亭

金溝

王濟移第即北邙山下時洛京地貴濟買地為馬埽

編錢滿之時人謂之金溝

賈充宅

宣武場西

石崇宅

水衡署

在翟泉側有綠珠樓

穀水東右出為方湖東西一百九十步南北七十步

水衡署在其所

阮曲

穀水又東南轉屈東注謂之阮曲蓋阮嗣宗所居之

地

南浮橋

河南郡縣境界簿曰城南五里洛水浮橋晉書夏統

字仲御會稽永興人母病乃詣洛陽市藥會三月上

巳洛中王公以下並至南浮橋士女駢填車服燭路

統時在船中曝所市藥物貴人車乘來者如雲統並

不之顧太尉賈充怪而問之統初不應重問乃徐答

七里澗

在馬市東與鹿苑相接澗有石梁即旅人橋也洛陽

記曰城東有石橋以跨七里澗


右城之內外

按洛陽宮殿簿及古宮名有飛兔門廣德門明  
理門望鍾門神仙門萬春門昌福堂徽音堂嘉  
德堂魚梁堂皇醴泉堂皇百戲堂皇九華堂皇  
虛德堂修成堂望舒涼室清暑涼室含章鞠室  
靈芝鞠室又戴延之西征記有鬱金屋皆不分  
魏晉之閒今附見之



河南志卷二

出舍古階東西一百六十步南北七十步



70022284

